

Návt tun tiilááh Kela taksimáadhi

Kela sajanmáksá almos tâi priivaat tiervâsvuodâhuolâttâsân rahtum määđhi koloid, jis tun moonah tiipšon puácuvuodâ, äpittesvuodâ tâi šoddâdem keežild. Määđhih sajanmáksojeh táválávt aldemuu tipšosajan já hâlbimus madhâšemvyevi mielđ. Jis tuu tiervâsvuodâtile tâi vááijuvliih jotolâhtileh väätih taaksi kevttim, te tun puávtáh uázžuđ tast sajanmáávsu.

Kela miärádâs mielđ sâmikuávlust ässee sâmikielâláid sâmmiláid miedettuvvoo fastâtaksiäššigâsvuotâ Kela sajanmáksim taksimaadhiđ várás. Fastâtaksiäššigâsvuotâ uáivild tom, ete tun puávtáh tiiláđ Kela-taaksi taggaar sâmikielâlii taksivyeijest, kote finnee njuolgâ sajanmáávsu Kelast.

1 Valjii olssâđ sâmikielâlii vyeijee

Valjii olssâđ njuolgâsajanmáksuvuáhádâhân servâm sâmikielâlii vyeijee, kiást tun tiilááh Kela sajanmáksim taksimaadhiđ.

- Tiiláá taksi njuolgist jieijâđ fastâtaaksist majemustáá määđhi tađe oovdeb peeivi tme 14 räi.
- Tun puávtáh tiiláđ siämmáá tove puoh tuu tiäđust orroo moonnâm- já maccâmsáátuid.
- Taksi almoot tuu taksimáadhi tiäđuid tiilámkuávdázân.

2 Almoot jieijâđ fastâtaaksin suáitu ohtâvuodâst

- jieijâđ nommâ já persovntubdâldâh
- čujottâs, kost auto viázžá tuu
- määđhi čuosâttâh (om. pyecceeviäsu)
- tijmeäigi, kuás tun koolgah leđe tipšo-ohtâduvvâst
- puátih-uv tuu fáárun išeniävuh teikâ läidejeijee
- puhelinnummeer, mast tuu juksá.



3 Jis tuu kevttim fastâtaksi ij lah finniimist

teikâ jis tuu aassâmkuávlust ij lah sâmikielâláš taksivyeijee mielđi njuolgâsajanmáksuvuáhâduvvâst, te väälđi ohtâvuodâ tiilámkuávdázân 0800 302 240 (PRO-Keskus Oy). Tij pyehtivetted oovtâst tiilámkuávdáin selvâttid, ete puáhtâ-uv tiilámkuávdáš čujottid tunjin tiätu sâmikielâlii fastâtaksi vyeijee.

4 Čääiti vyeijei jieijâđ Kela-koortâ.

Ko tun čääitáh vyeijei jieijâđ Kela-koortâ, te tun finniih mâtksajanmáávsu tállân taaksist já tun máávsáh määđhist enâmustáá 25 euro jiešvástâdâs. Huámmâš, ete tuu tiilám taksimáadhist pyehtih leđe mielđi meid eres äššigâsah.

5 Pivde tuodâštus Todistus matkakorvausta varten (SV 67)

- Jis tun tarbâšah taaksi tuu tiervâsvuotâtile tiet, te pivde tast tuodâštus tiervâsvuotâhuolâttâsâst (Todistus matkakorvausta varten SV 67).
 - Siäilut oovtâ määđhi várás čallum tuodâštus alnees 6 mánuppaje ääigi mâtkippeeivi rääjist. Kela puáhtá pivdeđ tom mañelää.
 - Tooimât Kelan tuodâštus, mii addel kuhesáigásii vuoigâd vuodâ taaksi kiävtun.
- Jis tipšolâjádâs pargee lii tiilám tunjin taaksi päikkimáadhi várás, te tun jieih taarbâš sierâ tuodâštus taaksi kiävtu taarbâšlâšvuodâst.